



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

7. De impedimento disparitatis cultus.

urn:nbn:de:hbz:466:1-40916

obitum coniugis. Quando ergo intercedit promissio matrimonij inter adulterum, & adulteram, cum copula, siue antecedenti, siue consequenti promissionem, tunc est impedimentum, ut contrahere nequeant; vel habetur de eo, qui dux. vxor. quam polluit, &c. significasti.

Quartus casus est, cum unus coniugum, qui per verba de praesenti contraxerunt, matrimonium cum alio contrahit etiam de praesenti, & habent copulam, tunc etiam, mortuo priori coniuge, isti non possunt contrahere. Sed ad uerte, quod sunt due conditiones necessariae, ut sit hoc impedimentum.

Prima est, ut intercedat, vel intercesserit copula cum secunda, alias, non est impedimentum.

Secundum est, quod uterque sit conscius criminis: si enim alter ignorabat esse coniugatum, tunc non est impedimentum. Habetur hic casus, c. propositum: & cap. veniens, de eo, qui duxit, quam polluit per adulterum. continetur impedimentum hoc criminis. Et haec satis de hoc.

De impedimento disparitatis cultus.

CAP V T VII.

Quartuor sunt notanda circa impedimenti huius intelligentiam.

Primum est, non baptizatus non potest contrahere cum baptizata; nec non baptizata cum baptizato; & si contrahant, nullum est matrimonium, 28. quæst. 1. can. Cœ. Quamuis autem non baptizatus, seu baptizata sint Catholici, & fidem habeant, adhuc non est matrimonium, ut tenent doctores; unde, cum hæretico, vel hæretica, auctorata, vel excommunicata, peccatum esset contrahere, tam tenet matrimonium, ut habet Glossa communiter recepta, cap. non oportet. 28. quæst. 1. unde sit, quod, si unus fidelium coniugum incidat in hæresim, vel ad infidelitatem conuertatur, non dissoluatur matrimonium, ut habetur c. quanto, de diuortijs.

Secundum est, quando infideles coniuges ad Christianum conueruntur, tunc in suo matrimonio debent perfervare, quamvis contrixerint contra ius canonicum, dummo-

do non

do non habeant aliquid contra ius naturæ. Hoc habetur, cap. gaudemus de diuortijs, vbi notat Papa; quod si in secundo, vel tertio, vel quarto gradu contrixerunt, adhuc debent manere, quia hi gradus sunt prohibiti iure canonico, quod non obligat infideles. At si in primo contrixerunt pater cum filia, filius cum matre, soror cum fratre, sunt separandi, quia est contra ius naturæ, & à principio nullum fuit matrimonium, etiam antequam conuerterentur. Vnde illi, qui duxerunt plures vxores, si conuertantur, non possunt retinere, nisi primam, cum qua debent manere, quamuis dederint illi repudium. Quod si ista non conuerratur, tunc possunt de novo eligere vnam ex conuersis, cum qua contrahant nouum matrimonium.

Tertium est, cum unus infidelium coniugum conuertitur, altero manente in infidelitate, tunc, si infidelis non vult cohabitare cum conuerso, aut si vult, non id vult, nisi ut inducat in aliquod mortale, aut retrahat in infidelitatem: hoc enim modo dicitur velle habitare cum iniuria Creatoris, cum aliquid petit, quod est peccatum; tunc conuersus potest illum relinquere, & contrahere cum altero in Christiana religione. Quando verò coniux infidelis vellet contrahere, relinquendo conuersum in sua libera voluntate feruendi Creatori, non est relinquendus, iuxta illud Pauli: *Si quis frater uxorem habet infidem non dimitat illam.* Hoc totum habetur c. gaudemus, de diuortijs.

Quartus est, cum unus tantum infidelium conuertitur, tunc, si Iudei sunt, quicumque conuertatur, siue vir, siue foemina, parvuli filii debent sequi conuersum, & separandi sunt ab infideli. Ita habetur 28. quæst. i. c. Iudei. Et idem dicendum est de alijs infidelibus, qui serui, vel mancipia sunt Christianorum. At verò de alijs infidelibus, liberis, & dominis seruorum, tunc filii sequuntur patrem conuersum, non matrem, c.

ex literis, de conuersio infidelium. Haec intelligo de filiis ante-

vsum rationis; nam de adultis, non sic, sed relin-

quendi sunt in sua libera voluntate: fides enim

sine coactione est prædicanda
infidelibus.

De vi,